

Dem Edlen/ Gestrengen/ Ehrnvesten Herrn Adolphen von
Hagen vff Pensen/ etc. meinem günstigen Herrn/ etc.

Der Danckopffert der preiset mich/ singet der Königliche Prophet David im
funffzigsten Psalm / in welchem er den rechten Gottesdienst lehret / vnd alle
Menschen zu rechtem vnd angenehmen Gott wolgefelligem opffer vermanet /
zu solchem Dienst vnd Opffer hat Gott die Menschen sein liebstes geschöpff
für allen andern Creaturen/ mit redenden munde vnd lautenden stim gezieret/ das sie sich
wissen zu erinnern / das sie mit Mund vnd stim Gott loben / rhümen vnd preisen sollen.
Vber das hat er sie auch mit der schönen vnd lieblichen kunst Musica begnadet/ welche
zu Gottes Ehr / lob vnd preiss / allein dienen sol: Derwegen von anfang her die Lehrer
des Volckes Gottes/ die heiligen Propheten mit dieser kunst die grossen Wolthaten/ vnd
wunderwerck Gottes gepreiset/ vnd den herrlichen namen Gottes mit Vobsingen gerhü-
met / das sein lob in der Heiligen gemeine erschollen / darumb das er gütig ist / vnd seine
barmhertzigkeit ewiglich weret etc. Weil denn nochmals die Musica zu Christlicher or-
denung / Ceremonien vnd Kirchenzucht dienstlich / Hab ich diesen schönen Danckpsalm/
der Jugend zur vbung/ das Gott durch diese kunst Musica / vnd alle seine gaben gepreiset
werde/ in Meloden vorfasset/ vnd ewer Edlen Gestrengheit/ meinem günstigen Herrn/ als
einem sonderlichen Förderer vnd Liebhaber/ zucht vnd aller guten Künste dedict / guter
zuuersicht euer Edle G. werde jr meinen vltis gefallen lassen: Datum aus der Fürstli-
chen Sechsschen Schuel des Hochgebornen Fürsten Herzog Christian Churfürsten
etc. Meissen den 25. Junij Anno 1586.

Wolfgangus Sigulus..